



Broj: 01/7-02-467/22
Sarajevo, 07.03.2022. godine

Prilijeno: 08-03-2022			
Org. jed.	Broj	Priloga	Vrijednost

PREDSTAVNIČKOM DOMU PARLAMENTA FEDERACIJE BiH

Dana 07.03.2022. godine održana je 7. sjednica Komisije za informisanje Predstavničkog doma Parlamenta Federacije Bosne i Hercegovine (u daljem tekstu: Komisija). Sjednici Komisije prisustvovalo je 6 od ukupno 11 članova Komisije, tako da su ispunjeni uslovi za punovažan rad u pogledu kvoruma i odlučivanja.

Pored članova Komisije, sjednici je prisustvovala i Jasminka Džumhur ispred Institucije ombudsmena za ljudska prava u Bosni i Hercegovini.

Za sjednicu je predložen i jednoglasno usvojen sljedeći dnevni red:

1. Specijalni izvještaj o govoru mržnje u BiH – Institucija ombudsmena u BiH.

Komisija nakon jednoglasno usvojenog dnevnog reda podnosi sljedeći

IZVJEŠTAJ

Ad-1 Specijalni izvještaj o govoru mržnje u BiH – Institucija ombudsmena u BiH

Uvodno izlaganje dala je Jasminka Džumhur, predstavница Institucije ombudsmena za ljudska prava u Bosni i Hercegovini i veoma detaljno upoznala prisutne članove Komisije sa dostavljenim Specijalnim izvještajem o govoru mržnje u BiH, te iznijela konkretne prijedloge i sugestije čijim prihvatanjem od strane Komisije bi se unaprijedila ova oblast koja se odnosi na spriječavanje i sankcionisanje govora mržnje u BiH.

Nakon uvodnog izlaganja uslijedila je diskusija u kojoj su učestvovali svi prisutni članovi Komisije i iznijeli svoje prijedloge, primjedbe i sugestije, te na koncu jednoglasno usvojili sljedeće

ZAKLJUČKE

1. Komisija za informisanje Predstavničkog doma Parlamenta Federacije BiH usvaja Specijalni izvještaj o govoru mržnje u BiH, a koji je u parlamentarnu proceduru dostavila Institucija ombudsmena za ljudska prava u BiH.



-
2. Komisija će pokrenuti Inicijativu za izmjene i dopune Krivičnog zakona Federacije BiH kako bi se postigao snažan zakonodavan i institucionalni okvir za borbu protiv govora mržnje i sankcionisanje istog, a u saradnji sa Vladom Federacije BiH.
 3. Zadužuje se Vlada Federacije BiH da sačini Akcioni plan u cilju osiguranja implementacije Preporuke opće politike Evropske komisije za borbu protiv rasizma i netolerancije (ECRI) za Bosnu i Hercegovinu u saradnji sa međunarodnim organizacijama (UN, Vijeće Evrope, OSCE...).
 4. Komisija podsjeća na preporuku opće politike Evropske komisije za borbu protiv rasizma i netolerancije (ECRI) za Bosnu i Hercegovinu o potrebi izrade sveobuhvatne Strategije borbe protiv govora mržnje u Bosni i Hercegovini i uputit će Inicijativu prema državnom nivou kako bi se pokrenula izrada Strategije i ispoštovala preporuka.

PREDSJEDNIK KOMISIJE
Asim Kamber, s.r.